

摘藻堂四庫全書薈要

史部

欽定四庫全書叢要

史部
春明夢餘錄卷六

詳校官編修臣繆晉



欽定四庫全書薈要卷七千六百五十七

史部

春明夢餘錄卷六

吏部侍郎孫承澤撰

宮闕

燕中宮闕古不可考當自遼始遼史載其略云南京析
津府本古冀州之地高陽氏謂之幽陵陶唐曰幽有虞
析為幽州商復為冀州周職方東北曰幽州武王封太
保奭於燕漢為燕國廣陽國後漢為廣陽郡隋為幽州
總管唐置大都督府改范陽節度使晉高祖以遼有援

立之勞割幽州等十六州以獻太宗升為南京又曰燕
京城方三十六里崇三丈衡廣一丈五尺敵樓戰櫓具
八門東曰安東迎春南曰開陽丹鳳西曰顯西清普北
曰通天拱辰大內在西南隅皇城內有景宗聖宗御容
殿二東曰宣和南曰大內內門曰宣教改元和外三門
曰南端左掖右掖左掖改萬春右掖改千秋門有樓閣
毬塲在其南東為永平館皇城西門曰顯西設而不開
北曰子北西城巔有涼殿東北隅有燕角樓坊市廨舍

寺觀蓋不勝書其外有居庸松亭榆林之關古北之口
桑乾河高粱河石子河大安山燕山中有瑤瑱府曰幽
都軍號盧龍開泰元年落軍額

宋王曾奉使錄畧曰自雄州白溝驛渡河四十
里至新城縣右督亢亭之地又七十里至涿州
北渡涿水范水劉李河六十里至良鄉縣渡盧
溝河六十里至幽州號燕京子城就羅郭西南
為之正南曰啓夏門內有元和殿洪武殿東門

曰宣和城中坊門皆有樓有憫忠寺本唐太宗
為征遼陣亡將士所造又有開泰寺魏王耶律
漢寧造皆邀朝士遊觀城南門外有於越王廨
為宴集之所門外永平館舊名碣石館請和後
易之南即桑乾河

按遼之正殿曰洪武元之正殿曰大明是後之國
號年號已見於此誰謂非定數也

金宮城史載海陵煬王遣左右丞相張浩張通古左丞

蔡松年調諸路夫匠築燕京宮室皇城周九里三十步
自天津橋之北曰宣陽門中門繪龍兩偏繪鳳用金釘
釘之中門唯車駕出入乃開兩偏分雙隻日開一門過
門有兩樓曰文曰武文之轉東曰來寧館武之轉西曰
會同館正北曰千步廊東西對馬廊之半各有偏門向
東曰太廟向西曰尚書省至通天門後改名應天樓高
八丈朱門五飾以金封東西相去一里餘又各設一門
左曰左掖右曰右掖內城之正東曰宣華正西曰玉華

北曰拱辰及殿凡九重殿凡三十有六樓閣倍之正中
位曰皇帝正位後曰皇后正位位之東曰內省西曰十
六位乃妃嬪居之西出玉華門曰同樂園若瑤池蓬瀛
柳庄杏村皆在焉都城四圍凡七十五里城門十二每
一面分三門其正門四旁又設兩門正東曰宣曜陽春
施仁正西曰顥華麗澤彰義正南曰豐宜景風端禮正
北曰通元會城崇智此四城十二門也此外有宣陽門
即內城之南門也上有重樓制度宏大三門並立中門

常不開惟車駕出入通天門即內城之正南門也四角皆垛樓瓦皆琉璃金釘朱戶五門列焉常扃惟大禮祫享則由之宣華乃內城之正東門玉華正西門也左掖東偏門右掖西偏門各有武夫守衛拱辰即內城正北門也又曰後朝門制度守衛與玉華宣華等金碧翬飛規模宏麗矣

范石湖攬轡錄其略云興陵見宋使儀衛戊子早入見循東西御廊北行廊幾二百間廊分三節每

節一門將至宮城廊即東轉又百許間其西亦然
亦有三門出門中馳道甚闊兩傍有溝上植柳廊
脊皆以青琉璃瓦覆宮闕門戶即純用之北即端
門十一間曰應天之門下開五門兩挾有數如左
右昇龍之制東西兩角樓端門內有左右翔龍門
日華月華門前殿曰大安殿使人自左掖門入北
循大安殿東廊入敷德門東北行直東有殿字門
曰東宮直北西南列三門中曰書英是故壽康殿

母后所居西曰會通門自會通北入承明門又北則昭慶門東則集禧門尚書省在門外東西則左右嘉會門門有樓即太安殿後門之後至幕次黑布拂廬侍班有頃入宣明門即常朝後殿也門內庭中列衛士二百許人帖金雙鳳幘頭團花紅錦衫散手立入仁政隔門至仁政殿下團鳳大花氍毹可半庭殿兩傍有朵殿朵殿上兩高樓曰東西上閣門兩廊悉有簾幙中有甲士東西御廊循簷各

列甲士東立者紅茸甲金纏竿槍黃旗畫青龍西
立者碧茸甲金纏竿槍白旗畫黃龍至殿下皆然
惟立於門下者錦袍持弓矢殿兩階雜列儀物幢
節之屬如道家醮壇威儀之類使人由殿下東行
上東階却轉南由露臺北行入殿閼謂之欄子金
主幟頭紅袍玉帶坐七寶榻背有龍水大屏風四
壁帝幕皆紅綉龍拱斗皆有繡衣兩檻間各有焚
香大金獅蠻地鋪禮佛毯可一殿兩傍玉帶金魚

或金帶者十四五人相對列立遙望前後殿屋崛起甚多制度不經工巧無遺力煬王亮始營此都規摹出於孔彥舟役民八十萬兵夫四十萬作治數年死者不可勝計

金朝北京營制宮殿其屏扆窓牖皆破汴都輦致於此汴中工匠有名燕用者製作精巧凡所造下刻其名及用之於燕而名已為先兆

元大都宮殿考宮城週迴九里三十步東西四百八十

步南北六百十五步高三十五尺分六門正南曰崇天
左曰星拱右曰雲從東曰東華西曰西華北曰厚載舊
記曰南麗正門內千步廊可七百步建靈星門門建蕭
牆週迴可二十里俗呼紅門闌馬牆門內二十步有河
上建白石橋三座名周橋橋四白石龍擎載旁盡高柳
鬱鬱萬株遠與城內海子西宮相望及橋可二百步為
崇天門門外有五總建關樓其上連內觀旁出為十字
角樓其左有門為東華右為西華中為大明門仍旁建

掖門繞為長廡中抱丹墀之半左右為文武樓與廡相連中為大明殿乃登極正旦壽節會朝之正衙也殿後連為主廊十二楹四周金紅鎖窓連建後宮廣三十步殿半之後有寢宮俗呼為拏頭殿東西相向至冬則自殿外一周皆籠護皮帳夏則黃油絹幕內寢屏幃重覆帷幄而後裏以銀鼠席地皆編細簟上架深紅厚氈後覆茸單宮後連抱長廡以通前門以貯妃嬪而每院間必建三楹東西相向為繡榻廡後橫亘道以入延春宮

丹墀皆植青松即萬年枝也置金酒海前後列紅蓮牀其上為延春閣後仍為主廊東有文思小殿西有紫檀小殿寢東有玉德殿又東有宣文閣旁有秘密堂西有鹿頂小殿前後散為便門高下分引而入更為別殿飛甍數座又後為清寒宮宮後引抱長廡遠連長春宮其中皆以處嬖幸也又後為厚載門上建高閣東百步有觀星臺臺傍有雪柳萬株臺西為內浴室有小殿在前由浴室而出內城臨海子廣可五六里駕飛橋於海中

起瀛洲之殿後引長橋上萬歲山山高可數十丈東臨
太液池西北皆俯瞰海子下有故殿基尚存金主圍棋
石盤山半有方壺殿又為呂公洞洞上數十步為金露
殿由東而上為玉虹殿殿前有石岩如屋繞層闌登廣
寒殿內列二十四楹出為露臺繞以白石闌道旁有鐵
竿數丈上置金葫蘆三引鐵練以繫之乃金章宗所立
以鎮其下龍潭山下萬柳中有浴室前有小殿為穴中
盤雙龍昂首共吐一丸於上注以溫泉自瀛洲外城西

度飛仙橋上入明仁殿半臨邃河河流引自瀛洲西邃地而出繞延華閣達於興聖宮復西折托鄂斯后老宮而出抱前苑東下於海子約遠三四里新殿後有二水晶圓殿中有修衢長橋遠而升懿德殿橋傍二石柱度橋前苑入懿德殿主廊寢宮亦如前制乃建都之初基也山後仍為寢宮連以長廡廡後西繞邃河東流水出便門走繞東北又繞紅牆入紅門可二十步許為光天門仍闢左右掖門而繚以長廡中為光天殿殿後穿廊

如前但廊後高起隆福宮左右後三向皆為寢殿殿東有沈香殿長廡環抱又後為興聖宮中建小直殿引遂河分流繞其下甃以白石翌為仙橋四起鎖窓而抱綵樓樓後東西為日月殿後又有禮天臺高跨殿上又少東有流杯亭又少東出便門步遂河入明仁殿後為延春閣規制高大與延華相望四面皆臨花苑苑東有端本堂又東為棕毛殿少西出掖門為慈仁殿又後苑中為金殿四外盡植牡丹百餘年高可五尺又西有翠殿

又有花亭毬閣金殿前有野果名紅姑娘外垂絳囊中
空有桃子如丹朱苑外重繞長廡廡後出內牆東連海
子以接厚載門

元世祖思創業艱難取所居之地青草置於大內
丹墀之前謂之誓儉艸司農台哈布哈詩墨河萬里
金沙漠世祖深思創業難却倚闌干望青草丹墀
留與子孫看

明太宗永樂十四年車駕巡幸北京因議營建宮城初

燕邸因元故宮即今之西苑開朝門于前元人重佛朝
門外有大慈恩寺即今之射所東為灰厰中有夾道故
皇牆西南一角獨缺太宗登極後即故宮建奉天三殿
以備巡幸受朝至十五年改建皇城於東去舊宮可一
里許悉如金陵之制而弘敞過之按金陵宮殿作於吳
元年門曰奉天三殿曰奉天曰華蓋曰謹身兩宮曰乾
清坤寧四門曰午門東華西華元武至洪武十年改作
大內午門添兩觀中三門東西為左右掖門奉天門之

左右為東西角門奉天殿之左右曰中左中右兩廡之間左文樓右武樓奉天門外兩廡曰左順右順及文華武英二殿至二十五年建金水橋及端門承天門樓各五間長安東西三門北京宮殿悉倣其制永樂十五年起工至十八年三殿工成十九年辛丑四月初八日庚子災

新宮既遷舊內東華門之外逼近居民喧囂之聲至徹禁籞宣德七年始加恢擴移東華門於河之東遷民居

於灰厰西之隙地正統五年三月建三殿兩宮六年九月工成嘉靖三十六年丁巳四月十三日奉天等殿門災是日申刻雷雨大作戌刻火光驟起由正殿延燒至午門樓廊俱盡次日辰刻始熄三十七年七月大朝門等工成四十一年三殿成改奉天殿曰皇極殿門曰皇極門華蓋殿為中極謹身殿為建極文樓曰文昭武樓曰武成左順門曰會極右順門曰歸極東角門曰弘政西角門曰宣治又改乾清右小閣曰道心左門曰仁蕩

右門曰義平正德九年兩宮災萬歷二十四年丙申三月乾清坤寧災二十五年二月重建是年六月十九日三殿災天啓五年二月起工至七年八月初二日三殿工成共用銀五百九十五萬七千五百十九兩餘

皇城外圍牆三千二百二十五丈九尺四寸其門凡六曰大明門曰長安左門曰長安右門曰東安門曰西安門曰北安門俗呼曰厚載門仍元舊也牆外紅鋪七十二登聞鼓院在長安右門外

紫禁內城牆南北各二百三十六丈二尺東西各三百二丈九尺五寸其門凡八曰承天門曰端門曰午門即俗所謂五鳳樓也東曰左掖門西曰右掖門再東曰東華門再西曰西華門向北曰元武門牆外紅鋪三十六午門之內曰皇極門左曰宏政門右曰宣治門旁曰歸極門曰會極門皇極門內東曰文昭閣西曰武成閣上曰皇極殿中曰中極殿後曰建極殿所謂三大殿也中極濬金圓頂如穿堂之制建極殿後曰雲臺門東曰後

左門西曰後右門亦名曰平臺又東則景運門西則隆
宗門中則乾清門上則為乾清宮崇禎元年八月初四
日題敬天法祖牌東暖閣曰昭仁殿西暖閣曰弘德殿
左曰日精門右曰月華門曰端凝殿曰懋勤殿左小門
曰龍光右小門曰鳳彩西御懋房萬歷中更壽安居乾
清宮後披簷東曰思政軒西曰養德齋中圓頂則交泰
殿上則曰坤寧宮皇后所居坤寧東露頂曰貞德齋西
露頂曰養正軒東披簷曰清暇居北圍廊曰遊藝齋左

曰景和門右曰隆福門再北左曰端則門右曰基化門
便接瓊苑左右門矣此中一路之大略也

乾清宮後過日精門之東曰崇仁門稍南則曰奉慈殿
萬歷中改東裕庫曰宏孝殿崇先殿改為神霄殿日精
門往北曰順德北門則東一長街也再北向西與龍光
門斜對者曰咸和左門向南者曰景仁宮其東則東二
長街也南首曰麟趾門北首曰千嬰門麟趾門之東曰
延禧宮曰怡神殿再東曰嘉德左門再東曰蒼震門咸

和左門之北向西與景和門相對者曰廣和左門向南者曰承乾宮東宮貴妃所居東二長街之東曰永和宮廣和左門之北向西與端則門相對者曰大成左門向南者曰鍾祥宮皇太子所居後改興龍宮東二長街之東曰景陽宮千嬰門之北並列者則乾東之房五所宮正司六尚局皆在乾清宮之東此東一路之大略也

乾清宮後過月華門之西曰遵義門向南則養心殿西南則祥寧宮宮前向北者曰無梁殿嘉靖中元修之所

月華門之西南者曰隆道閣原名道心閣下曰仁德堂
東曰忠義室曰仁蕩門曰義平門西南則慈寧宮矣月
華門往北曰順德右門則西一長街也再北向東與鳳
綵門斜對者曰咸和右門向南者曰毓德宮原名長樂
宮後又改永壽宮則西二長街也北首曰百子門南首
螽斯門西曰啓祥宮原名未央宮內二石坊北曰聖本
肇初南曰元德永衍蓋興獻帝所生之地也再西曰嘉
德右門曰隆德殿祀三清諸神左有容軒右無逸齋配

殿左曰春仁右曰秋義再西北曰英華殿有菩提樹二
株北則北角井再西則咸安宮咸和右門之北向東與
興福門相對者曰廣和門向南者曰翊坤宮西宮貴妃
所居西二長街之西曰永寧宮後改長春宮廣和右門
與基化門相對者曰大成右門向南者曰儲秀宮西二
長街之西曰咸福宮又後則乾西之房五所此西一路
之大略也

坤寧宮所謂中宮也宮後則為後苑欽安殿在焉曰天

一門萬春亭千秋亭對育軒清望閣金香亭玉翠亭樂
志齋曲流館四神祠有假山曰堆繡山山亭曰御景池
亭二東曰浮碧西曰澄瑞萬歷十一年修東南曰瓊苑
左門西南曰瓊苑右門欽安殿後曰順貞門此外則元
武門矣

皇極門之東曰會極門門東曰文華殿中懸神宗御書
學二帝三王治天下大經大法十二字有精一堂恭默室九
五齋殿之後曰玉食館西北曰省愆居殿之西曰崇本

門殿之後曰刻漏房銅壺驗時之所殿東向後開門者
曰聖濟殿御用藥餌之所再則徽音門亦曰麟趾門其
內則慈慶宮又奉宸宮勗勤宮承華宮昭儉宮麟趾門
之東曰關雎左門西曰關雎右門再西曰元輝殿再北
朝南者曰寶善門迤東曰慈慶宮後門門之外曰奉先
殿即內太廟也街東則隆祀門其內則外東裕庫也又
東北並列二門曰履順蹈和則一號殿仁壽宮之門內
有嘯鸞宮喈鳳宮宮妃養老之處自寶善門亦可通元

武門其中之門則蓮花門也

皇極門之西曰歸極門門西曰武英殿殿西曰大庖曰
尚膳監東北曰思善門曰仁智殿西南曰御酒房又北
曰慈寧門嘉靖十五年以仁壽宮故址并撤大善殿建
慈寧宮過慈寧宮皆內侍直房再北過長庚橋則元武
門矣

紫禁內城之外北安門東曰黃瓦東門街南曰尚衣監
街北曰司設監再東酒醋麵局曰內織染局曰皮房紙

房曰針工局曰巾帽局曰火藥局再東稍南曰供用庫

曰番經廠曰漢經廠曰司苑局曰鐘鼓司再南曰新房

曰都知監曰司禮監曰御馬監再南曰杵子房北膳房

南膳房曰煖閣廠曰明器廠曰混堂司曰尚膳監曰百

花房曰印綬監曰中書房曰蹴圓亭曰內承運庫曰外

馬房過東上北門東曰彈子房曰學醫讀書處曰光祿

寺曰篋頭房自東上南門之東曰重華宮制度如乾清

宮有中路有兩長街中路門曰永泰昭祥端拱昭德重

華廣愛咸熙肅雍康和麗春殿曰重華圓殿閣曰清和
館曰迎春東長街門曰廣順中和景華宣明景明殿曰
洪慶西長街門曰興善麗景長春清華高明宮曰寧福
延福嘉福明德永春永寧宜春宜喜延春又東則內承
運庫再東南則崇質宮俗云黑瓦殿景泰年間英宗居
此所謂南城也再南則皇史宬藏貯歷朝宸翰及實錄
左右小門曰謹歷再東則追先閣欽天閣嘉靖中御製
欽天頌石碑再南則御作也皇史宬之西過觀心殿稍

南則嘉樂館東為蒼龍門南為丹鳳門中為龍德殿左
右曰崇仁廣智北有橋玲瓏精巧來自西域橋之南北
有飛虹戴鰲兩坊大學士姜立綱書東西有天光雲彩
二亭又北疊石為山曰秀巖山上有圓殿曰乾運其東
西二亭曰凌雲御風山後有佳麗門又後為永明殿最
後為圓殿引流水繞之曰環碧再北則玉芝宮門曰寶
慶曰芝祥曰景神殿曰永孝殿曰大德殿其東牆外則
觀心殿也自皇史宬東西有門通河河上有湧福閣原

名澄輝稍北則呂梁洪東安橋再北橋亭曰涵碧又北
曰回龍觀其殿曰崇德觀內海棠每春開如堆繡

北安門內街東曰安樂堂內官有疾者移此再南黃瓦
西門之裏則內官監也過北中門迤西則白石橋萬法
殿大高元殿炁真閣胡靈軒象一宮等處皆供奉仙道
過北中門之南曰壽皇殿曰北果園東曰永壽殿曰觀
德殿習射處也南則萬歲山山高一十四丈樹木蒼鬱
有毓秀壽春長春翫景集芳會景諸亭山下一洞曰壽

明殿曰觀花曰永壽樓曰翫春閣曰萬福永康延寧山
前門曰萬歲再南曰北上門左曰北上東門右曰北上
西門再南過北上門則元武門北上西門之西則石作
又西曰乾明門曰兵仗局曰袍房曰舊監庫曰尚膳外
監甜食房曰西上北門其東則西下馬門矣過西上南
門則御用監又南曰靈臺曰寶鈔司自西中門之西則
尚寶監鷹房司再西出西苑門迤南向東曰灰池曰樂
成殿有水碓水磨河之西曰昭和殿曰紫光閣曰陽德

門曰萬壽宮曰旋磨臺即兔兒山也曰無逸殿曰豳風
亭金海橋之北曰玉熙宮曰承華殿曰元禧殿曰寶月
亭曰清馥殿曰王媽媽井橋之東北金之瓊花島至元
八年賜名萬歲山俗呼為蕭太后梳粧樓者誤也山皆
奇石疊成中三殿中曰仁智左曰介福右曰延和至其
頂為廣寒殿左右四亭曰方壺瀛洲玉虹金露山北有
殿臨池曰凝和二亭臨水擁翠飛香西北有殿用草曰
太素後草亭曰歲寒左軒臨水曰遠趣前草亭曰會景

西岸南行有亭臨水曰映輝又南有殿臨池曰迎翠有亭臨水曰澄波又西東小山引泉噴激曰水簾有殿曰翼然再南則曰南臺有殿臨水曰昭和瓊花島東南曰圓殿即承光殿有古松三株曰金水橋有坊二一曰金鰲一曰玉螭再南曰五雷殿即椒園也實錄成焚草於此由金水橋玉熙宮迤西曰櫺星門迤北曰羊房夾道虎城再西曰西酒房曰花房曰經廠曰大光明殿曰大極殿曰洗帛廠曰果園廠曰甲字十庫曰司鑰庫曰惜

新司曰鴿子房曰西安門

皇城內河來自玉泉山經高梁橋分而為二一灌城隍
一從德勝水關匯入後湖至藥王廟西橋下流入禁地
所謂西苑太液池也池水又分為二一環繞靈臺寶鈔
司東與護城河合流過長安右門之北經承天門前再
東過長橋左門之北自湧福閣下從巽方流出經玉河
橋與城河會一自元武門之西從地溝入由懷公門過
長庚橋裏馬房橋經仁智殿西御酒房東武英殿前思

善門外皇極殿前文華殿西而北而東自慈慶宮外南
從地溝亦至巽方而出會于玉河橋

附載宮殿額名考

中路

大明門扁

長安左門無扁

長安右門無扁

承天之門牌

廟街門牌

社街門牌

太廟牌

社稷壇無扁

端門牌

神廚門牌

社左門牌

闕左門牌

闕右門牌

午門牌

左掖門扁

右掖門扁

左順門更會極門牌

右順門更歸極門牌

奉天門更皇極門牌

東角門更弘政門牌

西角門更宣治門牌

文樓更文昭閣扁

武樓更武成閣扁

奉天殿更皇極殿牌

華蓋殿更中極殿牌

謹身殿更建極殿牌

已上左順門起俱嘉靖四十一年七月十三日更

中左門牌

中右門牌

後左門牌

後右門牌

景運門牌

隆宗門牌

乾清門牌

乾清宮牌殿內敬天法祖

牌崇禎元年八月初四日懸安

東暖殿萬歷十一年閏二月添額名弘德殿本年四月

初七日更昭仁殿扁

西暖殿萬歷七年五月十五日添額名雖肅殿萬歷十一年四月初七日更弘德殿扁

日精門牌

月華門牌

端凝殿嘉靖十四年七月初二日添額
懋勤殿嘉靖十四年七月初二日添額

龍光門牌

鳳彩門牌

西御憩房萬歷二十二年十月初三日更壽安居添額

萬歷三十二年正月二十九日去額不懸

乾清宮後披簷東思政軒扁西養德齋扁俱崇禎五年

四月二十日安

中圓殿更交泰殿扁嘉靖十四年七月初二日添額

景和門牌

隆福門牌

方殿萬歷三十二年正月二十九日添額萬歷四十年

十月二十五日拆方殿改造壽安殿泰昌元年十

月二十六日拆

坤寧宮嘉靖十四年七月初二日添額東露頂安德齋
改貞德齋崇禎六年四月二十四日安扁西露頂
養正軒崇禎七年八月二十五日安扁東披簷清
暇居崇禎五年十月二十三日安扁北圍廊遊藝
齋崇禎五年十月二十三日安扁

永祥門

增瑞門俱萬歷二十五年

二月十一日添額

基化門牌

端則門牌

廣運門更坤寧門嘉靖十四年七月初二日添額

欽安殿牌

天一之門嘉靖十四年四

月十一日添牌

萬春亭牌

千秋亭牌

已上二亭嘉靖十五年十二月初一日添牌

對育軒嘉靖十四年五月初十日更玉芳軒添牌

四神祠牌

觀花殿萬歷十一年閏二月二十五日拆去壘堞石山

子券門石扁名堆秀山子上蓋亭子一座牌名御
景亭東西兩邊魚池二池上蓋亭子東邊牌名浮
碧亭西邊牌名澄瑞亭已上萬歷十一年三月初
二日添蓋

清望閣牌

金香亭牌

玉翠亭牌

已上嘉靖十五年十二月初一日添牌

樂志齋曲流池萬歷十九年閏三月十九日拆西連房

添蓋扁

承光門牌

集福門牌

延和門牌

坤寧門更順貞門嘉靖十四年七月初二日添牌

東長街

景和門更順德左門牌

迎祥門更崇仁門牌

百福門更咸和左門扁

千祥門更廣生左門扁

長慶門更大成左門扁

長寧門更長寧左門牌

嘉福門更瓊苑東門牌

已上七門嘉靖十四年十月初九日更

長安宮更景仁宮牌

景仁門牌

惟和亭扁

從善亭扁

長壽宮更延祺宮牌

延祺門牌

集瑞亭牌

瑞安左門牌

瑞安右門牌

永寧宮更承乾宮崇禎五年八月十二日安牌

承乾門牌

東配殿崇禎七年八月二十五日安貞順齋扁

西配殿崇禎七年八月二十五日安明德堂扁

永安宮更永和宮牌

永和門牌

咸陽宮更鍾粹宮牌

鍾粹門牌

隆慶五年十一月二十日鍾粹宮前殿更興龍殿

牌後殿添聖哲殿牌後小院添龍德齋扁

長陽宮更景陽宮牌

景陽門牌

已上六宮嘉靖十四年五月初十日更

怡神殿萬歷三十九年四月十九日被燬萬歷四十三年五月初二日拆西城清虛殿連房四添蓋連房
怡神門萬歷三十九年四月十九日被燬

玉食廚牌

東宮門更蒼震門嘉靖十四年八月二十三日更牌

嘉德門更嘉德左門嘉靖十四年十月初九日更牌

壽春門更麟趾門

慶安門更千嬰門

已上二門嘉靖十四年八月二十三日更牌

東頭一所扁

東第二所扁

東第三所扁

東第四所扁

東第五所扁

東二長街

衍福門扁

迎瑞門扁

德陽門扁

履和門扁

西長街

順德門更順德右門牌

膳廚門更遵義門牌

廣安門更咸和右門扁

廣生門更廣生右門扁

大成門更大成右門扁

麗景門更長寧右門牌

隆德門更瓊苑西門牌

已上七門嘉靖十四年十月初九日更名各添懸

扁額

螽斯門牌

百子門牌

長樂宮更毓德宮牌萬歷四十四年十一月十三日更

永壽宮

永壽門牌

未央宮更啓祥宮牌

啓祥門牌

已上二宮嘉靖十四年五月初十日更名各添懸

扁額

牌樓

貞源茂始更

聖本肇初

慶澤無終更

元德永衍

已上二牌樓嘉靖十七年十一月十四日添額名
四十四年九月十五日更

萬安宮更翊坤宮牌

翊坤門牌

長春宮更永寧宮牌萬歷四十三年六月十二日更長

春宮

長春門牌

壽昌宮更儲秀宮牌

儲秀門牌

壽安宮更咸福宮牌

咸福門牌

咸熙宮更咸安宮牌

咸安門牌

已上五宮嘉靖十四年五月初十日更

宮西門更長庚門牌

肅禁門牌

太安門牌

景福門嘉靖十四年十月初九日更嘉德右門牌

通元門隆慶元年六月二十日拆

西頭一所扁

西第二所扁

西第三所扁

西第四所扁

西第五所扁

西二長街

翔鸞門扁

儀鳳門扁

崇禧門扁

長泰門扁

奉先殿牌

奉先門牌

崇先殿更神霄殿牌萬歷二十七年二月二十七日添

蓋左藏庫

神霄門牌

景雲殿牌

景雲門牌

奉慈殿更東裕庫牌

寶善門牌

文華殿牌

文華門牌

九五齋牌

臨寶室扁

精一堂扁

恭默室扁

省愆居牌

端敬殿牌

端敬門牌

理辨房牌

御食館牌

聖濟殿牌

元輝殿牌

元輝門牌

方殿萬歷二十七年十一月初十日拆去添蓋庫座
清寧宮後小宮五花宮花園拆蓋

慈慶宮牌

徽音門牌

關雎左門牌

關雎右門牌

麟趾門牌

慈慶門牌

純禧左門牌

純禧右門牌

膳廚無扁

廚庫房無扁

太寧門牌

後四宮

奉宸宮牌

奉宸門牌

勗勤宮牌

勗勤門牌

承華宮牌

承華門牌

昭儉宮牌

昭儉門牌

韶圃門牌

麗園門牌

擷芳殿牌

隆祀門牌

本恩殿被燬萬歷二十六年二月二十九日蓋常盈庫
懸牌

仁壽殿牌

仁壽門牌

嘉慶左門牌

嘉慶右門牌

履順門牌

蹈和門牌

景福宮牌

景福門牌

元吉閣牌

協瑞門牌

噦鸞宮牌泰昌元年十月二十四日被燬

嗜鳳宮牌

宮正司

尚衣局

尚食局

尚功局

尚服局

尚寢局

尚宮局

短連庫座萬歷二十七年五月十二日添蓋

仁壽宮大善殿嘉靖二十一年九月初八日拆蓋

慈寧宮牌

慈寧門牌

長信門牌

徽音左門牌

徽音右門牌

永安門牌

慈寧宮花園咸若亭一座萬歷十一年五月內更咸若

館扁

翠芳亭扁

花園內橋中萬歷六年添蓋臨溪館一座萬歷十一年五

月內更臨溪亭

瑞花亭萬歷十一年五月內蓋造添扁

精一堂隆慶四年正月二十八日更仁德堂

精一門更仁德門牌

皇極閣更道心閣隆慶四年正月二十八日更

隆道閣牌

下仁德堂牌

忠義室牌

會極門更仁蕩門牌

歸極門更義平門牌

已上嘉靖四十一年七月十三日更

養心殿牌

養心門牌

前東配殿履仁齋扁

前西配殿一德軒扁

後殿

涵春室扁

東隆禧館扁

西臻祥館扁

已上前東配殿起萬歷二十二年十月初九日添額

祥寧宮牌

祥寧左門牌

祥寧右門牌

臨寶室扁

元極寶殿隆慶元年六月二十日更隆德殿牌天啓七年三月初二日添蓋崇禎六年四月十五日更中

正殿牌左有容軒右無逸齋俱扁左配殿春仁殿
右配殿秋義殿俱牌

元極門隆慶元年六月二十日更隆德門牌崇禎六年
三月內拆

二南門牌

四德門牌

隆禧殿更英華殿牌崇禎五年十一月二十三日拆去
牌面出回衙門收貯

英華門隆慶元年六月二十日更扁

仁智殿牌

思善門牌

武英殿扁

大庖廚牌

南薰殿牌

世廟

景神殿牌

永孝殿牌

睿宗廟嘉靖四十四年九月二十五日更名玉芝宮牌

懸額

後殿大德殿牌

宮門芝祥門牌

外券門寶慶門牌

延祥宮扁

佳麗門扁

永明殿扁

乾運殿牌

凌雲亭牌

御風亭牌

秀巖石扁

天光亭牌

雲影亭牌

戴鰲牌樓

飛虹牌樓

龍德殿牌

崇仁殿牌

廣志殿牌

丹鳳門牌

蒼龍門扁

昭明門扁

環碧殿牌

嘉樂館扁

瑞雲館扁

紫芝軒牌

昭慶殿扁

崇先殿牌

昭融館扁

咸春閣牌

安福左門牌

安福右門牌

迎祥左門牌

迎祥右門牌

休明門扁

欽天閣牌

追先閣

已上二閣嘉靖十九年九月十九日添牌

麒麟房無扁

環翠殿扁

崇智殿扁

清華殿牌

瓊林石扁

宣仁門扁

翔鳳之殿嘉靖四十一年八月初六日被燬地基萬歷

二十八年四月初四日添蓋庫座

金寶庫嘉靖十三年七月初七日拆蓋

皇史宬牌

皇史門牌

謹歷左門牌

謹歷右門牌

南城

中路

永泰門扁

觀心殿萬歷二十八年六月二十日添蓋扁

昭祥門扁

端拱之門牌

昭德門牌

重華門牌

廣愛門牌

咸熙門牌

重華殿牌

中圓殿無扁

肅雍門牌

康和門牌

後殿無扁

麗春門牌

清和閣牌

迎春館扁

圓殿牌

東長街

廣順門扁

中和門扁

景華門扁

宣明門扁

景明門扁

洪慶門牌

洪慶殿牌

後殿無扁

膳房無扁

庫無扁

景和門扁

西長街

興善門扁

麗景門扁

長春門扁

清華門扁

二所無扁

寧福宮扁

延福宮扁

嘉福宮扁

高明門扁

明德宮扁

永春宮扁

永寧宮扁

宜春宮扁

延喜宮扁

延春宮扁

御前作

河東

崇德殿即回龍觀萬歷二十八年六月初四日拆去蓋
造觀心殿修補乾運殿萬歷三十二年三月十六

日添蓋崇德殿牌

翫芳亭萬歷三十二年三月十六日添蓋牌

集祥門扁

桂香館萬歷二十八年六

月初四日拆去蓋造觀心殿修補乾運殿

膳房萬歷二十八年六月初四日拆去蓋造觀心殿修
補乾運殿

翠玉館扁

浮金館扁

擷秀亭

聚景亭

已上二亭嘉靖十三年五月二十一日添牌

呂梁洪嘉靖十三年五月二十二日更

漾金左亭

漾金右亭

已上二亭嘉靖十二年五月二十一日添牌

含和殿牌

澄輝閣萬歷三十年四月二十九日更湧福閣

秋香閣無扁

東華門牌

東上門牌

東上南門牌

東上北門牌

東中門牌

大烹廚牌

東安門牌

正心殿嘉靖四十四年九月十八日更齋宮

始陽靜五師堂左右配殿後小殿宮門

已上正心殿等隆慶元年三月初一日工部拆去

萬歲山崇禎七年九月初九日奉旨萬歲山頂至山根

斜量二十一丈著折高多少合每丈折高七尺共

折高一十四丈零七尺

萬歲門牌

山左門

山右門

已上三門萬歷三十年八月十一日添牌

毓秀亭嘉靖十三年五月十一日更

玩芳亭萬歷二十八年四月十四日更

翫景亭萬歷二十九年八月十七日更

長春亭牌

長春門牌

壽皇殿牌

左毓秀館扁

右毓秀館萬歷三十八年六月二十九日添蓋扁

萬福閣牌

下臻祿堂牌

永康閣牌

下聚仙室牌

延寧閣牌

下集仙室牌

已上萬歷三十年閏二月初八日添蓋

萬福閣東

觀德殿萬歷二十八年五月初八日添蓋牌

後亭

壽春亭萬歷三十一年二月十三日添蓋牌

山子上翫景亭牌下洞

壽明洞萬歷三十一年二月十三日添蓋扁

永壽殿牌

永壽門牌

觀花殿萬歷三十年閏二月初八日添蓋牌

後亭

集芳亭萬歷三十一年二月十三日添蓋牌

會景亭萬歷三十年五月十三日添牌

興慶閣萬歷四十一年四月二十八日更翫春樓牌
壽安室萬歷三十年九月十七日添牌

萬福閣西

永安亭萬歷三十一年二月十三日添蓋牌

永安門牌

乾祐閣牌

下嘉禾館牌

乾祐門牌

興慶閣萬歷四十一年四月十五日添蓋牌

景明館牌

山左裏門萬歷三十年七月初二日添蓋牌

山右裏門牌

山右門

已上嘉靖二十一年三月初七日添牌

元武門牌

北上門牌

北上東門牌

北上西門牌

北中門牌

北安門牌

道經堂更書造局無扁

護道殿

大高元殿等處

前牌樓名

先天明鏡

孔綏皇祚

太極仙林

弘佑天民

亭名

炁真閣牌

胡靈軒

已上嘉靖二十一年四月初一日添牌

始青道境牌

福靜門扁

康生門扁

高元門牌

蒼精門牌

黃華門牌

大高元殿牌

無上閣牌

下龍章鳳篆牌

始陽齋牌

象一宮牌

寧安門扁

壽昌門扁

隆道齋

萬法寶殿被燬萬歷二十九年五月二十五日添蓋佛
殿連房萬歷三十年十一月初四日佛殿添額名

祖師殿牌

長寧門更永亨門牌

龍翔門牌

西便門更長寧門

慈濟門

咸明門牌

圓明閣嘉靖二十六年二月初四日添蓋牌

承光殿嘉靖三十一年八月初三日更乾光殿牌

金海等處

廣寒殿萬歷七年五月初四日坍塌六月初六日拆去

牌樓名

堆雲

積翠

大橋

牌樓名

金鰲

玉竦

太液橋

陟山門嘉靖二十一年三月初一日添扁

凝和殿嘉靖二十三年六月二十二日更惠熙殿嘉靖

四十三年三月十二日更元熙殿扁

凝和門嘉靖二十三年六月二十二日更惠熙門嘉靖
四十三年三月十二日更元熙門扁

元熙殿馬頭左擁翠亭萬歷三十年七月十五日更元
津亭

右飛香亭萬歷三十年七月十五日更元潤亭

船塢

弘濟神祠牌

北閘口亭嘉靖十三年六月初六日更湧玉亭嘉靖二

十二年三月初六日更匯玉渚扁

西馬頭龍淵亭萬歷三十年七月十五日添蓋扁

凝道雷軒扁

念善館

已上嘉靖二十二年三月初六日添

遠趣軒更神應軒又更元雷居牌

元雷門牌

會景亭嘉靖二十二年三月初六日更龍澤亭萬歷三

十年七月十五日更龍湫亭牌

雷霆洪應之殿牌

壇城

轟雷軒

嘯風室

噓雪室

靈雨室

耀電室

清一齋

寶淵門牌

靈安堂

精馨堂

馭仙次

輔國堂

演妙堂

入聖居

已上嘉靖二十二年三月初六日懸額

溥惠門牌

太素殿嘉靖四十三年七月內更壽源殿牌

正心齋

持敬齋

已上嘉靖二十二年三月初六日添

素左門

素右門天啓七年六月內壘塞

歲寒亭嘉靖二十二年三月初六日更五龍亭牌

龍神祠扁

北臺萬歷二十九年六月十三日添蓋天啓元年十一月初四日拆

乾德殿萬歷二十九年六月十三日添蓋萬歷三十年八月初五日更乾德閣牌天啓元年八月初四日奉旨拆卸天啓四年五月初一日添蓋嘉德殿牌

延景門

下祐皇殿牌

乾德門牌

牌坊名

南福渚扁

北壽岳扁

五亭名

中龍澤亭牌

左澄祥亭扁

右湧瑞亭扁

左滋香亭扁

右浮翠亭扁

三洞名

上隆壽洞牌

中玉華洞牌

下仙遊洞牌

已上萬歷三十年七月十四日添天啓元年拆

兼祥橋牌

獅子房

虎城無扁

振武殿萬歷二十九年四月二十三日添蓋牌

恒裕倉扁

省歛亭扁

天鵞房嘉靖二十五年七月十八日拆蓋騰禧殿牌

逢治門

秋輝亭嘉靖二十二年四月初九日更騰波亭嘉靖三

十五年五月十九日更滋祥亭萬歷三十年七月

十七日更香津亭扁

清馥殿牌

丹馨門扁

錦芳亭牌

翠芬亭牌

已上嘉靖十一年三月初三日添牌

長春門牌

昭馨門扁

瑞芬門扁

馥景門

仙芳門扁

馥東門

馥西門嘉靖三十五年十一月初六日安扁

澄碧亭嘉靖二十三年六月二十三日更飛靄亭嘉靖

三十年五月十九日更湧福亭萬歷三十年七月

十七日更騰波亭扁

涌瑞亭萬歷三十年七月十七日更飛靄亭扁

迎翠殿更承華殿萬歷三十年十月初六日拆去乾德

閣工所用

迎翠門更承華門扁

已上嘉靖二十三年六月二十二日更

浮香亭嘉靖十三年五月二十一日添嘉靖三十年六

月初四日更芙蓉亭扁

寶月亭嘉靖十一年三月初三日那蓋添牌

延年殿嘉靖四十三年三月十二日添蓋牌

滋齡門扁

滋齡亭萬歷三十一年二月十三日更南教場平臺嘉

靖三十五年三月十五日拆蓋

紫光閣牌

下玉仙室扁

明德殿萬歷二十八年十月初一日添牌

玉熙宮牌

熙祥門牌

熙瑞門牌

後殿清仙宮牌

東壽祺齋扁

仙輝館扁

鳳和居扁

西祿祺齋扁

仙朗館扁

鸞鳴居扁

羊房夾道

貞慶殿萬歷三十一年八月初七日拆去大山子工所

用

福德門

大仙都殿嘉靖二十八年三月初三日更大道殿牌
大道門牌天啓七年三月初二日拆蓋隆德殿

清虛殿牌

清虛門牌

鑒戒亭牌

已上嘉靖十三年八月十三日添

曲流觀扁

曲流觀門萬歷二十九年四月二十三日添扁

翠林

瑤景

旋波臺嘉靖二十八年三月十六日更仙臺萬歷九年
七月內添四柱方亭一座萬歷四十年九月初六
日添迎仙亭牌

牌坊名

南福巒

北祿渚

臺上七層牌額

一層玉光

二層光華

三層華耀

四層耀真

五層真境

六層境僊

七層僊臺

朝元館牌

館門嘉靖四十五年五月初四日添蓋萬歷二十八年

五月二十六日拆

顯陽殿萬歷二十九年五月十三日添蓋牌

景德殿萬歷二十八年十月初一日添蓋牌

大光明殿等處

西登豐門牌

廣福門牌

廣和門扁

廣寧門扁

二門

玉宮門牌

昭祥門扁

凝瑞門扁

大光明殿牌

左太始殿牌

右太初殿牌

宣恩亭牌

響社亭牌

一陽亭牌

萬仙亭牌

後門

永吉門牌

左安門

右安門

太極殿牌

東統宗殿牌

西總道殿牌

帝師堂牌萬歷三十年九月十九日拆

積德殿牌萬歷三十年九月十九日拆

壽聖居萬歷三十年二月十三日拆

福真憩萬歷三十年二月十三日拆

祿仙居萬歷三十年二月十三日拆

天元閣牌

下闡元保祚

朝東外門

天平門

豐和門

萬壽宮嘉靖四十二年九月初二日更恩壽宮嘉靖四

十四年三月十五日更萬壽宮牌

萬壽門牌

壽源宮嘉靖四十四年三月十五日更百祿宮牌

五福殿嘉靖四十四年三月十五日添

承祐殿扁

左祐祥殿扁

右祐寧殿扁

龍禧殿嘉靖四十二年二月十二日更龍煌齋嘉靖四

十四年三月十五日更龍吉齋

鳳祺館嘉靖四十二年二月十二日更鳳熒館嘉靖四十四年三月十五日更鳳祥館

福臻閣嘉靖四十二年二月十二日更昭祥閣

祿康御更朗瑞居

曦福門嘉靖四十四年三月十五日更耀曦門
朗祿門嘉靖四十四年三月十五日更耀朗門

含祥門牌

成瑞門牌

永康門更永和門牌

永順門

永綏門牌

永社門

納康門

衍慶門嘉靖四十四年三月十五日更長寧門牌

太元亭嘉靖四十四年二月十九日拆

凝一殿牌

東

萬春宮

春明門牌

後含春殿牌

春靜門

萬和宮

萬和門

萬華宮

萬華門

萬寧宮

萬寧門

御饌庖扁

御饌門扁

體仁門扁

履康門扁

啓泰門扁

納祉門

泰安門

西

仙禧宮更千秋宮

仙樂宮更千樂宮

仙安宮更千景宮

仙明宮更千安宮

已上四宮嘉靖四十二年九月二十一日更

朝東南起

常寧門扁

常和門

常善門

常輝門

金寧門

攸順門

攸利門

金靜門

金瑞門

宣惠門

靜安門

灌木門更素康門扁

授衣門更金寧門

蝨斯門更常靜門

已上三門嘉靖三十七年二月十四日更

壽安門嘉靖三十三年正月十九日添蓋

廣成門嘉靖二十一年八月二十一日添蓋

東和門更平安門

南陽德門牌

永光門扁

北嘉安門牌

東迎和門牌

已上嘉靖二十一年八月十六日蓋

帝社稷壇

帝社街

無逸殿更書館

幽風亭更寫法亭

壽明殿無扁

壽明門無扁

已上殿門嘉靖三十七年閏七月二十六日添蓋

省耕亭

西莊家門馬頭

飛香亭萬歷三十年七月十五日添扁

昭和殿牌

擁翠亭萬歷三十年七月十五日添扁

趵臺坡牌

翠香亭萬歷三十年七月十五日添扁

澄淵亭牌

海神祠扁

已上嘉靖十三年五月二十一日添

樂成殿扁

涵碧亭牌

浮玉亭萬歷三十年七月十五日添扁

西苑門扁

左臨海亭扁

右臨海亭扁

已上嘉靖二十三年五月二十一日添蓋

崇智殿嘉靖四十四年二月二十六日拆蓋

五雷殿牌

左迎祥館

右集瑞館萬歷二十九年三月二十二日添扁

太元亭扁

問法所

臨漪亭牌

水雲榭牌

已上嘉靖二十一年五月二十一日添蓋

西華門牌

西上門牌

西上南門牌

西上北門牌

西中門牌

乾明門牌

西安裏門牌

西安門牌

明洪武元年八月大將軍徐達遣指揮張煥計度

元皇城周圍一千二十六丈將宮殿拆燬至二十

二年封太宗為燕王命工部於元皇城舊基建府
其制山川二壇在王城南之右王城四門東曰體
仁西曰遵義南曰端禮北曰廣智門樓廊廡二百
七十二間中曰承運殿十一間後為圓殿次曰存
心殿各九間承運殿之兩廡為左右二殿自八間
殿之後前中後三宮各九間宮門兩廂等室九十
九間王城之外周垣四門其南曰靈星餘三門同

王城門名周垣之內堂庫等室一百三十八間凡
為宮殿室屋八百一十一間

宮禁誡勅

明太祖洪武三年命工部造紅牌鐫戒諭后妃之
詞懸之宮中申嚴宮闈之禁皇后之尊只得治宮
中之事宮門外事毫不得預后妃嬪嬙宮中諸費
皆尚宮奏之發內官監覆奏方得赴部關領若尚
宮不奏而輒發內官監內官監不奏而輒赴部擅

領者皆論死宮嬪以下有疾醫者不得入宮惟問
症取藥而已羣臣命婦惟慶節朝見中宮無事不
許入宮人主亦無見命婦之禮凡天子及親王后
妃宮人等必須選擇良家子女以禮聘娶不拘處
所勿受大臣進送

命儒臣修女誡曰治天下者修身為本正家為先
正家之道始於謹夫婦后妃雖母儀天下然不可
使預政事至於嬪嬙之屬不過備職事侍巾櫛若

寵之太過則驕恣犯分上下失序觀歷代宮闈政
由內出鮮有不為禍亂者也夫內嬖惑人甚於鴆
毒惟賢明之主能察之于未然其他未有不為所
惑者卿等纂述女誡及古賢之事可為法者使後
世子孫知所持守

宮官

宮官有六局一司局洪武十二年置曰尚宮尚儀尚服
尚食尚寢尚功司曰宮正

尚宮局尚宮二人正五品掌導引中宮總司記司言司簿司闡四司之官屬凡六尚事物出納文籍皆印署之司記二人正六品典記二人正七品掌記二人正八品司記掌印宮內諸司簿書出入錄目審而付行典記掌記佐之女史六人掌執文書司言二人正六品典言二人正七品掌言二人正八品司言掌宣傳奉啓之事典言掌言佐之女史四人掌執文書司簿二人正六品典簿二人正七品掌簿二人正八品司簿掌名籍廩賜之

事典簿掌簿佐之女史六人掌執文書司闡六人正六品典闡六人正七品掌闡六人正八品司闡掌宮闡管鑰之事典闡掌闡佐之女史四人掌執文書

尚儀局尚儀二人正五品掌禮樂起居總司籍司樂司賓司贊四司之官屬司籍二人正六品典籍二人正七品掌籍二人正八品司籍掌經籍教授筆札几案之事典籍掌籍佐之女史十人掌執文書司樂二人正六品典樂四人正七品掌樂四人正八品司樂掌率樂人習

樂陳縣拊擊進退之事典樂掌樂佐之女史二人掌執
文書司賓二人正六品典賓二人正七品掌賓二人正
八品司賓掌朝見宴會賞賜之事典賓掌賓佐之女史
二人掌執文書司贊二人正六品典贊二人正七品掌
贊二人正八品司贊掌朝見宴會贊相之事典贊掌贊
佐之女史二人掌執文書彤史二人正六品掌后妃羣
妾御于君所書其月日

尚服局尚服二人正五品掌供內服用采章之數總司

寶司衣司飾司仗四司之官屬司寶二人正六品典寶
二人正七品掌寶二人正八品司寶掌寶符契圖籍典
寶掌寶佐之女史四人掌執文書司衣二人正六品典
衣二人正七品掌衣二人正八品司衣掌衣服首飾典
衣掌衣佐之女史二人掌執文書司飾二人正六品典
飾四人正七品掌飾二人正八品司飾掌膏沐巾櫛器
玩之事典飾掌飾佐之女史二人掌執文書司仗二人
正六品典仗二人正七品掌仗二人正八品司仗掌羽

輿仗衛之事典仗掌仗佐之女史二人掌執文書

尚食局尚食二人正五品掌供膳羞品齊之數總司膳
司醞司藥司饌四司之官屬凡進食先嘗之司膳四人
正六品典膳四人正七品掌膳四人正八品司膳掌割
烹煎和之事典膳掌膳佐之女史四人掌執文書司醞
二人正六品典醞二人正七品掌醞二人正八品司醞
掌酒醴酏飲之事典醞掌醞佐之女史二人掌執文書
司藥二人正六品典藥二人正七品掌藥二人正八品

司藥掌醫方藥物之事典藥掌藥佐之女史四人掌執
文書司饒二人正六品典饒二人正七品掌饒二人正
八品司饒掌給宮人廩餼薪炭之事典饒掌饒佐之女
史四人掌執文書

尚寢局尚寢二人正五品掌燕寢進御之次序總司設
司輿司苑司燈四司之官屬司設二人正六品典設二
人正七品掌設二人正八品司設掌帷帳裯席灑掃張
設之事典設掌設佐之女史四人掌執文書司輿二人

正六品典輿二人正七品掌輿二人正八品司輿掌輿
輦織扇羽儀之事典輿掌輿佐之女史二人掌執文書
司苑二人正六品典苑二人正七品掌苑二人正八品
司苑掌園苑種植蔬菜之事典苑掌苑佐之女史二人
掌執文書司燈二人正六品典燈二人正七品掌燈二
人正八品司燈掌燈燭膏火之事典燈掌燈佐之女史
二人掌執文書

尚功局尚功二人正五品掌女功之程課總司製司珍

司絲司計四司之官屬司製二人正六品典製二人正
七品掌製二人正八品司製掌衣服裁製縫線之事典
製掌製佐之女史四人掌執文書司珍二人正六品典
珍二人正七品掌珍二人正八品司珍掌金玉寶貨之
事典珍掌珍佐之女史六人掌執文書司絲二人正六
品典絲二人正七品掌絲二人正八品司絲掌絲繒錦
枲之事典絲掌絲佐之女史六人掌執文書司計二人
正六品典計二人正七品掌計二人正八品司計掌度

支衣服飲食薪炭之事典計掌計佐之女史四人掌執
文書

宮正司宮正一人正五品掌糾察宮闈責罰戒令之事
司正二人正六品典正四人正七品女史四人掌執文
書

二十九年授六尚局官勅曰朕觀帝王為治必自
齊家始未有家不齊而能治國平天下者周之內
宰以陰禮教六宮九嬪以婦職之法教九御各有

職司非細故也朕起布衣陟尊位而於內治之道不敢忽焉是以內設六尚以職六宮斯列聖相維之道也近年精選民間淑德入宮者數人使兼六尚事人各克勤事多周備今特命某為某官爾尚克遵前規慎守乃職毋怠毋忽其外有家者女子服勞既多或五載六載歸其父母從其婚嫁人受命年高者許歸以終天命願留者聽其宮闈及見受職者家與祿視外品官等

內官監

承運等庫局附

內官監通掌內史名籍總督各職凡差遣及缺員具名奏請設令一人正六品丞二人從六品典簿一人正九品所掌文籍以通書算小內使為之神宮監掌太廟祭器及祭祀灑掃設令一人正七品丞一人從七品奉御一人正八品尚寶監掌御寶圖書凡用御寶則奏請然後付尚寶司官用之畢則捧入設令一人正七品丞一人從七品尚衣監掌御用冠冕衣服靴履設令一人正

七品丞一人從七品奉御四人正八品尚膳監掌御膳
設令一人正七品丞一人從七品司設監掌御用儀仗
輦輅輿帳裯褥張設設令一人正七品丞一人從七品
奉御四人正八品司禮監掌宮廷禮儀凡正旦冬至等
節命婦朝賀等禮則掌其班位儀注及糾察內官人員
違犯禮法者設令一人正七品丞一人從七品直殿監
掌各殿灑掃陳設設令一人正七品丞四人從七品小
內使一十五人宮門承制掌傳奉宣召設奉御五人正

八品宮門守門官掌宮門灑掃時其開闔譏察出入設
門正一人正八品副四人從八品內承運庫掌供御金
銀緞疋等物設大使一人正九品副使一人從九品司
鑰庫掌皇城各門管鑰大使一人正九品副使四人從
九品巾帽局掌造內府冠帽設大使一人正九品副使
二人從九品針工局掌造內府衣服設大使一人正九
品副使一人從九品織染局掌織染緞疋設大使一人
正九品副使一人從九品顏料局掌燒造銀硃等項顏

料設大使一人正九品司苑局掌種蒔蔬果設大使一人正九品司牧局掌牧養孳牲設大使一人正九品皆于內官內選用外承運庫掌收金銀緞疋等物甲字庫掌收銅錢布疋顏料乙字庫掌收衣服衾帳紙劄等物丙字庫掌收紵絲綿紗線丁字庫掌收銅鐵錫香茶蠟諸物戊字庫掌收氈衫胡椒并支軍器廣源庫掌收貯寶鈔廣惠庫掌收支寶鈔每庫設大使一人正九品副使一人從九品皆於流官內選用隸戶部皮作局掌硝

熟皮張成造靴鞋鞍轡兵仗局掌造各項軍器寶源局
掌鼓鑄銅器每局設大使一人正九品副使一人從九
品皆於流官內選用隸工部

內官禁令凡內使於宮城內相罵詈先發而理屈者杖五十
後發而理直者不坐其不服本官鈐束而抵罵者杖六十內
使罵奉御者杖六十罵門官監官者杖七十內使等於宮城
內鬪毆先鬪而理屈者杖七十毆傷者加一等後應理直而
無傷者答五十不服本官鈐束而毆之者杖八十毆傷加一

等毆奉御者杖八十毆門官監官者杖一百傷者各加一等內使有心懷惡逆出不道之言者凌遲處死知情而蔽之者同罪知而不首者斬首者賞銀三百兩

洪武二年諭吏部曰朕觀周禮內官未及百人後世至踰數千卒為大患今雖未能復古亦當為防微之計古時此輩所治止於酒漿醢醢司服守閤數事今朕不過以備使令非別有委任可斟酌其宜毋令過多又曰此輩自古以來求其善良千百

中不一二見若用以為耳目即耳目蔽矣以為腹
心即腹心病矣馭之之道但常教戒使之畏法不
可使之有功有功則驕恣畏法則檢束檢束則自
不敢為非也乃定置六十人

中官之制凡內使小火者烏木牌平巾者不得衣
圓領束帶唯請轎長隨并都知監長隨各獅子等
補束角帶及有牙牌官帽便謂之奉御正六品得
服麟補束金廂瑇瑁或犀帶自奉御而上左右監

丞五品左右少監從四品太監正四品太監而上
方服斗牛補再陞則膝襴飛魚斗牛及蟒衣再陞
方賜玉帶冬則光素夏則玲瓏三九月則頂收再
陞則內府騎馬凡騎馬者自東西下馬門起至南
內西上南門起至寶鈔司凡遇聖節正旦大婚誕
慶各進馬一匹再陞則每歲祿米十二石後加一
級皆益十二石逆賢以遼左缺馬凡中官力能辦
馬者皆賜騎一時數百人有每次進十匹至五十

匹每歲傳進十餘次其身頓加祿米一次至一千二百石蓋百級矣皆濫典也

內書堂教習內官始於宣廟初以大學士陳山後皆以編檢矣然不施夏楚其權反在學長其罰典輕則以界方搖手重則於聖人前罰跪再重則扳著幾炷香扳著者向聖人直立彎腰用兩手扳住兩脚不許股屈屈則界方兩下

嘉靖中詹事霍韜等重修會典疏謂內臣監局官

員祖訓置職甚詳惟弘治年間儒臣失考不及纂述宜查洪武年間各監局職掌何如員數何如編列禮典亦以禮制治之意也不報嗣是屢修會典無人議及矣

附載

宮人叅隨視朝起於晉代六朝相因至唐不改六典曰宮嬪掌朝會贊相之事引容立於殿廷杜詩所謂戶外昭容紫袖垂雙瞻御座引朝儀是也崔

肩盡誅宦官止令內夫人至中學士院傳宣聖諭
及朱溫將謀禪代而始罷宮人傳宣及隨朝之儀
永樂末年上有疾用宮人隨侍出朝後無復有此
事

漢時宮中有對食者宮人相與配合為夫婦也陳
皇后無子使宮人衣上衣冠與之寢處武帝廢之
責以為女而男淫後世宮人率與中官為匹偶其
暱甚于夫婦

唐時宮中給使令者皆有冠巾謂之裏頭內人舊制宮中女官亦給冠帶即其遺制也

宋制以內夫人六人輪日修起居至暮封付史館舊制有女秀才代書王命而不職起居此不及宋古葬宮人之所謂之宮人斜京城阜城門外五里許有靜樂堂磚甃二井屋以塔南通方尺門謹閉之并前結石為洞四方通風宮人有病非有名稱者例不賜墓則出之禁城後順貞門榜右門承以

斂具昇出元武門經北上門北中門達安樂堂授
其守者召本堂土工移北安門外易以朱棺禮送
之靜樂堂火葬塔井中凡宮人故必請旨凡出必
以銅符合符乃遣嘉靖中有貴嬪捐貲易民地數
畝其焚燼不願井者悉內地中

禮儀房奶口

皇城東安門外稍北有禮儀房乃選養奶口以候
內廷宣召之所俗名奶子府有提督司禮監太監

有掌房有貼房俱錦衣衛指揮每季選奶口四十
名養之於內謂之坐季奶口別選八十名籍于官
謂之點卯奶口倘坐季者有故即以補之先期宛
平大興兩縣及各衙門博求軍民家有夫女口年
十五以上二十以下夫男俱全形容端正第三胎
生男女僅三月者雜選之仍令穩婆驗無隱疾具
結起送候司禮監請旨差內官出合各衙門所送
奶口會選乃定每口日給米八合肉四兩光祿寺

支領每年更番什物每季煤炭雜器兩縣召商辦
送每遇宣取則就中選取一人易高髻新衣宮妝
以進崇禎十六年五月司禮監王德化本云奶口
例有定額按季遴選季終退換故取之於軍者則
錦衣等二十八衛之大小地方之廣狹以定口數
之多寡故衛之口數最多者為錦衣額數以一百
計餘衛則十五以至十口止城縣之最多者為南
城額以一百七十計餘則一百二十以至二十口

止每遇選期慎擇生男生女各二十口并所乳嬰
兒存房作養以備一季之取用上季未用者即行
疎放此舊例也今宜選生男生女各以十五口為
額少副軫恤之意至於里甲之勒索僉報之騷擾
事屬城司宜嚴申禁

故事民間婦無得入禁中者即諸宮女已承恩賜
名稱其母非得旨亦不入惟三婆則時有之一曰
奶婆即二縣與各衙門選送禮儀房坐季奶口若

內廷將有誕喜先鋪月子房傳預選則數人候之
內直房產男用乳女者產女用乳男者初亦雜試
候月餘乃留一人一曰醫婆取精通方脉者候內
有旨則各衙門選取以送司禮監會選中籍名待
詔入選者婦女多榮之一曰穩婆即民間收生婆
中預選籍名在官者惟內府所用之如選宮女則
用以辨別妍媸可否如選奶口則用以等第乳汁
厚薄隱疾有無如內廷有喜則先期預集老於事

者直宿日伺候之事定乃罷諸婆中有一經傳宣者則出入高髻彩衣如宮裝以自別於曹偶民間亦以此信而用之醫婆穩婆事竣皆得出惟奶口一留用則終其身事所乳得霑恩澤無復出理其食報蓋特隆云崇禎辛巳令乳皇子至七歲放出保母之崇非先王之制即中季亦自陸令萱等二人而外不多見明制例封夫人而永樂之保母賢順夫人馮氏夫王忠贈左都督謚恭靖洪熙之

衛聖夫人楊氏夫蔣廷封追封保昌伯謚莊靖此作法於涼矣至天啓之奉聖夫人客氏子弟官俱累都督客氏黨比逆賢幾危宗社

後市

附

古國都如井田法畫為九區面朝背市左祖右社中一區君之宮室宮室前一區為外朝朝會藏庫之屬皆在焉後一區為市市四面有門每日市門開則商賈百物皆入惟民得入公卿大夫士皆不得入入則有罰市官

之法如周禮司市平物價治爭訟譏察異服異言之類
此國君都邑規模之大槩也

宮闕之制前朝後市市在元武門外每月逢四則開市
聽商貿易謂之內市燈市自正月初旬起至月半止歲
惟一舉每月逢朔望及二十五則城隍廟市每月逢三
則土地廟市謂之外市然外市係士夫庶民之所用若
奇珍異寶進入尚方者咸於內市萃之至內造如宣德
之銅器成化之密器永樂果園廠之髹器景泰御前作

房之瑤瑯精巧遠邁前古四方好事者亦於內市重價購之

自古都邑大賈名俠皆有稱號如古地官司徒司市市官掌市之治教政刑量度禁令以次序分地而經市以陳肆辨物而平市以政令禁物靡而均市以商賈阜貨而行市以量度教賈而徵價以質劑結信而止訟以賈民禁偽而除詐以刑罰禁竄而去盜以泉府同貨而斂賒大市日昃而市百族

為主朝市朝時而市商賈為主夕市夕時而市販
夫販婦為主漢書所謂東市賈萬城西萬章箭張
禁酒趙放又如貨殖傳所載翁伯販脂張氏賣漿
邳氏灑削濁氏胃脯其所貨至為纖嗇往往鼎食
擊鐘富比王侯都城舊日如勾欄衙衙何開門家
布前門橋陳內官家首飾雙塔寺李家冠帽東江
米巷党家鞋大柵欄宗家靴雙塔寺趙家蕙酒順
承門大街劉家冷淘麵本司院劉鶴家香帝王廟

街刁家丸藥皆名著一時起家鉅萬至抄手衡衡
華家專煮猪頭內而宮禁外而勲戚皆知其名薊
鎮將帥置走馬傳致亦當日太平勝槩也

登聞鼓院

附

院在西長安門小廳三間東向傍一小樓懸鼓俾冤民
擊之通達下情每日科道官各一員錦衣衛官一員輪
司其事民有冤抑有司不為申理具狀通政司又不為
轉達審實列其狀以聞

唐時宮闕前有肺石長可八九尺形如垂肺古秋
官大司寇以肺石達窮民原其義乃伸冤者擊之
立其下然後士聽其詞所以肺形者肺主聲聲所
以達其冤也

憲綱凡按察司官斷理不公不法等事果有冤枉
者許赴巡按監察御史處聲冤監察御史枉問許
赴通政司遞狀送都察院申理都察院不與理斷
或枉問者許擊登聞鼓陳訴

春明夢餘錄卷六

謹案第八頁後二行托郭斯舊作禿藥斯今改
九頁後五行台哈布哈舊作達不花今改



總校官庶吉士臣侍朝

校對官檢討臣王鍾健

膳錄貢生臣張賦京